

Օ Ս Մ Ա Ն Ե Ա Ն Հ Ա Յ Ա Ս Տ Ա Ն

36. **Օ**ամանեանք զհայկականն մասն երկրի իւրեանց՝ վարեն ըստ տարազու այլոց աշխարհաց, 'ի ձեռն նահանգապետաց և գաւառապետաց, և նահանգք և գաւառք բաժանին 'ի դէհս կամ 'ի վիճակս. որոց պետքն փաշայք են նախապատիւք կամ երկրորդականք և պէկք: Ըստ այսմ յերկս կամ 'ի չորս նահանգս բաժանի Հայաստան, յԷրզնուում, խարբուրդ, Քիւրտիստան և Հէքքեարի. յորս վերագոյն է պատուով Էրզնուումայ նահանգապետն, որ և քան զբազում զայլ նահանգապետս Օամանեանց, և են ընդ վերատեսչութեամբ և սպարապետութեամբ նորա գաւառք չորք, Էրզնուում, Ղարս, Մուշ և Պայէզետ: Ի խարբուրդ նահանգի են գաւառք երկու 'ի Մեծ Հայս, խարբուրդ և Մատեն, և այլ գաւառք 'ի Փ. Հայս. այսպէս և 'ի Քիւրտիստան նահանգի՝ համարին և գաւառք ոմանք արտաքոյ Մեծին Հայոց. իսկ 'ի սմա գրին Տիարպէքիր և Վան. և ըստ այլ տեսչութեան՝ Վան ընդ Ճէզիրէի և Մէրսինայ 'ի մի նահանգ գրի Հէքքեարի կոչելով, և Մուշ և Տիարպէքիր 'ի Քիւրտիստան: Իսկ մէք 'ի տեղագրիս ըստ համարեցաք յուժ գաւառս կամ 'ի նահանգս ամիրփել զպէտէս բաժանմունն, յԷրզնուում, Ղարս, Մուշ, Պայէզետ, խարբուրդ, Տիարպէքիր, Վան և Քիւրտիստան. և սկսանել յարեւելց հիւսիսոյ և գառնալ յարեւուստ, և 'ի հարաւ, և գլխաւորել յարեւելս հարաւոյ, ուր սահմանակցի ընդ Պարսկահայոց:

Ա. ՂԱՐՍ ԳԱՒԱՌ

37. ՂԱՐՍ գաւառ նահանգին Էրզնուումայ՝ 'ի հիւսիսոյ և յարեւելց սահմանի Ռուսաց Հայաստանեօք, Սամցխէի և Հայկական նահանգան, 'ի հարաւոյ՝ Պայէզետաւ, յարեւելց՝ Արտահանաւ, Բասենով և այլովք վիճակօք Էրզնուումայ. ունի և ինքն վիճակս վեց, զՉըլորը, Զարիշատ կամ Ղարս, Շորէկէլ, Չալարան, Կազըւան և Կէչէվան. և է մասն Այրարատ աշխարհի հնոյ, այսինքն գաւառացն Վանանդայ, Շիրակայ, Երասխաձորոյ և Գաբեղինից: Առաջին վիճակ է ՉԼՏՏԸՐ, յոր անուն երբեմն Ծանաչիւր կուսակալութիւնն կամ գաւառն Ախալցիխայ, զորոյ զկէս հատին Ռուսք, և կէս խառնեցաւ 'ի կուսակալութիւնն Էրզնուումայ, և մասն մի՝ Ղարսայ, յորոց և 'ի հիւսիսախողմն կայ, սահմանակից բաժնին Ռուսաց. և 'ի սմա է մեծագոյնն ընաց հիւսիսային Հայոց՝ Չըլուր-էօր որ է Պաղակացիս (18). յորմէ էլանէ գէսն համահուն (որ է ըստ նախնեաց Մեծ), և ընթացել խառնի 'ի ջուրն Ղարսայ, և սա յԱրփա-չայ (Ախուրեան): Գլխաւոր տեղք վի-

ճակիս են Չըլուր ավան և Սարսուան. առաջինն երբեմն կարի շէն էր և աթոռ կուսակալի, որ պապ փոխեցաւ յԱխալցիխէ, քանզի ոսնակոխ եղեալ 'ի պատերազմաց անջքեցաւ Չըլուրը, և ոչ յիշատակի արդ ընդ բարգաւաճ շէնս: — Ի հարաւոյ և յարեւելց Չըլուրայ կայ ԶԱՐԻՇԱՏ վիճակ 'ի հինն Վանանդ, 40 գիւղորայիւք, յորս գլխաւոր է Զարիշատ առ Չըլուր գետով, ունի բերդ հին:

38. ՂԱՐՍայ բնիկ վիճակն ձգի 'ի հարաւոյ Զարիշատայ, յարեւելց Կողայ և Փէնէքայ (48. 51) և Բասենոյ (52) և յարեւելց Շորէկէլ. և է ՎԱՆԱՆԴՆ հին և ՎԱՐՐՆՆ ԲՅՍՅԱՆ գաւառ Այրարատայ. որոյ գլխաւոր տեղն է հին ԲԱՂԱԲՆ ԿԱՐՈՒՑ կամ ԿԱՐՍ, որ կոչն այժմ ՂԱՐՍ կամ ԳԱՐՍ, և է 'ի հիւսիսախողմն դաշտին Շիրակայ, առ եզերք գետոյն համանուան՝ որ է Մօրն մեծ, 'ի 5200՝ բարձու. պայծառացեալ առ պայազատութեամբ Բագրատունի թագաւորաց Հայոց և Վրաց, յորոց 'ի յետնոցս Կարի-Կալափ կոչուր, այսինքն Գրան քաղաք. արքայանիստ եղև ինքնագլուխ թագաւորաց Հայոց՝ յամն 961 ցամն 1064, որք կոչէին թագաւորք Վանանդայ կամ Կարուց. որոց յետին Գագիկ երկուցեալ յասպատակէ թուրքացի մաճառեաց հոռոմոց զքաղաքն և չոգաւ պանդխտել 'ի Փ. Ասիա. իսկ 'ի Յունաց թափեցին մի ըստ միովէ Վիրք, Թաթարք, Լէնկթիմուր, Օամանեանք, Ռուսք, և դարձեալ մնաց 'ի ձեռս Օամանեանց յետ 1828 ամին. որոց և տեղի է ամրութեան ընդդէմ՝ Ռուսաց, Թէպէա և տկարացուցին սոքա զբերդն, այլ զարդիս կրկին ամրանայ 'ի գրգռել նորոց պատերազմացն: Ի հարաւոյ կուսէ քաղաքին յանջատ բլրի ամբառնայ հին բերդն Կարուց՝ կրկին պարսօք պատեալ, յորս գտանին հայ և վրացի արձանագիրք և քանդակք, և բրգունք կանգնեալք 'ի թագաւորութեան Վրաց՝ 'ի Հայ բնակչաց քաղաքին, ՈՂԳ (1184) և ՈՁԳ (1234) թուականօք: Ունի և միջնաբերդ, և կամուրջս քարաշէնս, յորոց մին զբերդն ընդ քաղաքին կցէ: Նշանաւոր յամենայն շինուածան է փոխեալն 'ի մզկիթ՝ հոյակապ եկեղեցին շինեալ յԱբասայ արքայէ յամն 942, բոլորչի բազմանկիւն արտաքուստ և խաչաձև 'ի ներքոյ, գեղեցիկ դմբեթաւ՝ որ առանց սեան ամբառնայ. զգեղ դաստակերտին իւրոյ եկեղեցւոյ ցուցեալ Աբասայ առ Բեր արքայ Եգիպտաց՝ որ յաւակնեալ ընդդէմ Բագրատունւոյն և ձերբակալն եղև, ապա զրիկէր 'ի տեսանեղացն: Բնակիչք Ղարսայ են 2000 տուն, և զորանիտք պահպանաց. շինագոյն և բազմամարդագոյն ևս էր քաղաքս յառաջ քան զառումնն 'ի Ռուսաց: — Գեօք իբրև 30 են վիճակին Ղարսայ, այլ ամայացեալք 'ի պատերազմաց, և բազում աւերակք բագրատունականերս շինուածոց, որպէս 'ի Գիւմգէի գեղ՝ մեծ և